

'Nis tha coisright' trid fheola,
 Slighe bheo agus nuadh,
 Slighe dhireach f hior-chomhnard,
 Air an treoraich o shluagh,
 Dhionnsuidh Righeachd na gloire,
 'S am bheil solais bhith bhuan;
 Anns am faic sinn gun sgaile,
 Aghaidh dhealach an Uain !

O mo Shlanuighear beannuicht',
 'S tu tha airidh air cliu,
 Cha-n'-eil solas aig m'anam,
 Leon air thalamh ach thu;
 'S tu 'n Culthaic 's am bheil m'earbsa,
 'S tu mo Thearmunn 's m' Fheariuil,
 Dhomh bu deurach mo chrannchur,
 Dh'easbhuidh dealradh do ghnais.

'S tu mo shlaiente 's m' f hior, Charaid,
 'S tu mo Charraig 's mo Threoir,
 Fiosrach, eolach mu'n staid so,
 'S caomh Fhear tagraidh tha'n Gloir;
 'S e do ghnais bheireadh sith dhomh,
 Chuireadh m' inntinn air doigh;
 Mhosgladh suas mi o'm laigse,
 Dhuiseadh m'aighe gu ceol.

'S e bhi dhuitse 'n easumhlachd,
 Tric a chiarr mi 'sa chraidh !
 Dhfhag cho minig gun luths mi,
 'S m' aghaidh lubte ri lar !
 'Sa thug m' fhuil le brasghluasad,
 Gu mo ghruaidhibh le nair !
 Dhfhag le deoir a mhishuaimhneis
 Tric mo chluasag air snamh !